

დოკუმენტი დამტკიცებულია უნივერსიტეტის
რექტორის 2020 წლის 13 ოქტომბრის №61
ბრძანებით

დოკუმენტში ცვლილებები შეტანილია
უნივერსიტეტის რექტორის 2021 წლის 17
მაისის №90 ბრძანებით

*შპს „ქუთაისის უნივერსიტეტი“
წესრიგის დაცვისა და სამედიცინო დახმარების
აღმოჩენის მექანიზმები*

სარჩევი:

მუხლი 1. ზოგადი დებულებები.....	3
მუხლი 2. წესრიგის დაცვის მექანიზმები.....	3
მუხლი 3. სამედიცინო დახმარების აღმოჩენის მექანიზმები	4

მუხლი 1. ზოგადი დებულებები

- წინამდებარე დოკუმენტი განსაზღვრავს შპს ქუთაისის უნივერსიტეტში (შემდგომში - უნივერსიტეტი) წესრიგის დაცვისა და პირველადი სამედიცინო დახმარების აღმოჩენის მექანიზმებსა და პროცედურას.
- ამ დოკუმენტით გათვალისწინებული მექანიზმების განხორციელებაზე პასუხისმგებელია უნივერსიტეტის ლოგისტიკის სამსახური, კერძოდ სამედიცინო მომსახურების მიმართულებით - ექთნები, ხოლო წესრიგის დაცვისა და უსაფრთხოების მიმართულებით - წესრიგის დაცვისა და უსაფრთხოების სპეციალისტები, რომლებიც ხელმძღვანელობენ საქართველოს კანონმდებლობით, შიდა საუნივერსიტეტო აქტებით და წინამდებარე წესით.
- წესრიგის დაცვისა და უსაფრთხოების მიმართულებით ლოგისტიკის სამსახური ახორციელებს შემდეგ ფუნქციებს:
 - იცავს საზოგადოებრივი წესრიგისა და სახანძრო უსაფრთხოების წესებს საქართველოს მოქმედი კანონმდებლობის შესაბამისად;
 - უზრუნველყოფს უნივერსიტეტის პერსონალისა და სტუდენტების უსაფრთხოებას;
 - უსაფრთხოების დაცვის მიზნით ახორციელებს პერსონალის/სტუდენტების და სხვა ვიზიტორთა უნივერსიტეტის ტერიტორიაზე/შენობაში შემოსვლისა და გასვლის კონტროლს;
 - უზრუნველყოფს უნივერსიტეტის ქონების დასაცავად აუცილებელი ღონისძიებების გატარებას და საჭიროების შემთხვევაში მიმართავს სამართალდამცავ ორგანოებს;
 - ხანძრის ან სხვა საგანგებო სიტუაციების დროს, მონაწილეობს უნივერსიტეტის ტერიტორიაზე მყოფთა ევაკუაციის პროცესში.
- ლოგისტიკის სამსახური სამედიცინო მომსახურების მიმართულებით ასრულებს შემდეგ ფუნქციებს:
 - საჭიროების შემთხვევაში, უნივერსიტეტის პერსონალისა და სტუდენტებისათვის პირველადი სამედიცინო დახმარების აღმოჩენა ან/და სასწრაფო სამედიცინო დახმარების გამოძახება;
 - სამედიცინო საქმიანობის წარმართვა პაციენტის ინტერესების შესაბამისად;
 - სამედიცინო დახმარებისთვის საჭირო რესურსების განსაზღვრა;
 - უნივერსიტეტში ეპიდემიოლოგიური უსაფრთხოების კონტროლი;
 - უნივერსიტეტის სამედიცინო მომსახურების ხარისხისა და ეფექტიანობის ამაღლებაზე ზრუნვა.

მუხლი 2. წესრიგის დაცვის მექანიზმები

- წესრიგის დაცვისა და უსაფრთხოების მიმართულების სპეციალისტები ვალდებული არიან მუდმივად აკონტროლონ უნივერსიტეტში დამონტაჟებული სამეთვალყურეო კამერები და დარღვევის აღმოჩენის შემთხვევაში დაუყოვნებლივ აღმოფხვრან იგი.
- უცხო პირის პირადობის დამადასტურებელი დოკუმენტი, სტუმრისთვის განკუთვნილი დაშვების ბარათის სანაცვლოდ რჩება დაცვისა და უსაფრთხოების სპეციალისტთან იქამდე, სანამ პიროვნება არ დატოვებს უნივერსიტეტის შენობას.

3. უნივერსიტეტში ყველა სართულზე, თვალსაჩინო ადგილზე გამოკრულია საევაკუაციო გეგმები.

უნივერსიტეტი აღჭურვილია ხანძარსაწინააღმდეგო ინვენტარით რომელიც განთავსებულია დერეფნებში და ბიბლიოთეკაში. საგანგებო ვითარების დროს დაცვისა და უსაფრთხოების სპეციალისტები ვალდებული არიან 112 - ზე დარეკვით გამოიძახონ შესაბამისი სამსახურები (სახანძრო, სასწრაფო დახმარების სამსახური და სხვ.) და უზრუნველყონ შესაბამისი წესების დაცვით შენობაში მყოფების მიერ შენობის უსაფრთხოდ დატოვება.

მუხლი 3. სამედიცინო დახმარების აღმოჩენის მექანიზმები

1. უნივერსიტეტში (წერეთლის №13 - ში , პირველი სართულზე) განთავსებულია სამედიცინო კაბინეტი, რომელიც უზრუნველყოფილია საჭირო ინვენტარითა და პირველადი დახმარების მედიკამენტებით.

2. უნივერსიტეტში დასაქმებულია ექთანი, რომელიც საჭიროების შემთხვევაში უზრუნველყოფს ისეთ პირველადი დახმარების აღმოჩენას როგორცაა მაგ. წნევის და ტემპერატურის გაზომვა, ჭრილობის გადახვევა, ასევე ისეთი მედიკამენტის მიწოდებას (ტკივილგამაყუჩებელი და სხვა) რომელიც ხელმისაწვდომია ავთიაქებში ურეცეპტოდ.

3. საექიმო პუნქტში მიმდინარეობს პაციენტების ყოველდღიური მიღების ჟურნალის/ჟურნალების წარმოება, ასევე წარმოებს მედიკამენტების შემოტანის ჟურნალი, კეთდება აღწერა მედიკამენტების ვადებზე და ხორციელდება ვადაგასული მედიკამენტების ჩამოწერა.